

ZA BISSN DE BORET EN KLEA'NER VAN HAUS MUST VRONG

MARE: SAITER PAROAT KINDER? TONE LEIDER U' DE KOSPN...

TONE: MA SCHAU DER ANDREA IST AA A'NE!!!

ANDREA: I GEA' NET ZA SCHUAL, I HÒN BEA EN PAUCH!!!!

MARE: TEA'T VOLNG KINDER!!!! GAHIT ZA SCHUAL. NEMMP ENK A STICKL PINZ SEM AS DE STEIL.

ÒLLA ZOMM SAI'BER VORT, DE DIARNDL PIT A KOPFTIACHL ONT DE PIABLER PIT A KÒPP. DE MAI' IST AN OLTA ONT A PFLICHETA KÒPP, VAVAI I PIN DER KLENESTER VAN MAI'NA PRIADER ONT SEI HONZA U' GALECKT VOUR VA MIAR.

ANDREA: I HÒN NET STUDIART!!!!

ROMANO: BER GEA' EN KNOTT VAN ECK, I HELFTER I, I PIN PESSER VA DE STACCHIA.

ÒLLA OA'NE ZA GEA' EN ECK, I VER ZA NET KRIANG DE BEGA VA DE LEARNER, DER TONE VER ZA MECHEN GEA' ANE KOSPN ONT ÒLLA VER ZA NET GEA' SCHUAL. ONT ASOU SAI'BER ENVIRE GONGEN DREI TO, A KER SPILLT ONT A KER STUDIART.

AN TO DER TATA IST GONGEN ZA VIARN A SCHLIT HOLZ EN DE SCHUAL ONT DE LEAREREN HOT EN VROGT MEN S DE KINDER SAI' KRÒNK AS DE KEMMEN NET ZA SCHUAL...

TATA: DE ZAI' VORT HAIT VRIA!!!!

DER TATA IST BIDER HOA'M KAN MEIDLN ONT SEM HOT ER GABORTN

DE KINDER. DE SAI' KEMMEN OLLA PIT EN TASCKET.

TATA: *BOU SAI' TER GABEN?*

ROMANO: *SCHUAL!!!*

TATA: *NA!!! SCHUAL SAI' TER NET GABEN!!!*

ANDREA: *IO!! BER ZAIN GABEN EN ECK. DER ROMANO HOT ENS GALEART...BILLST HEARN?*

"GRANDL KOURN DU BOU PIST?

I PIN DO UNTER...DU BOAS NET?

ONT SEM UNTER DU BOS TUAIST?

EN MAI' BIAGL SCHLOVE DRIN

TUAIST OLBE SCHLOVEN? MA VAVAI?

I BELLET BOCKSN ABIA DU

ONT DER BAIL AS DU TUAIST BOCKSN GRANDL KOURN DU BOS TUAIST?

A ECHER KOURN BILL E LEING ONT VIL GRANDLER BILL E DER GEM"

...ZA SCHUAL HAT BER ZA GALEART EN BALSCH!!!!!!